



UNIVERSITÄTS-
BIBLIOTHEK
PADERBORN

Universitätsbibliothek Paderborn

**R. P. Francisci Bonaldi Societatis Iesv Theologi, Divina
Ecclesiae Oeconomia**

Bonald, François

Coloniae, 1611

XXVII. De obligatione qua tenentur Christiani mandata diuina seruare &
omnia eis aduersantia debellare.

[urn:nbn:de:hbz:466:1-48916](https://nbn-resolving.org/urn:nbn:de:hbz:466:1-48916)

III DIVINA ECCLES.
CAPVT VIGESIMVM
SEPTIMVM.

*De obligatione qua tenentur Christiani
mandata diuina seruare, & om-
nia eis aduersantia
debellare.*

CVM Baptismū suscepimus, Sacra-
na, & omnibus pompis eius renū-
ciauimus, ac simulque vitam spiritua-
lem à carnali illa multum diuersam
promissimus, ad quam etiam citra no-
stra promissionem ex mandato Dei te-
neremur, quod nobis Deus statuit, &
ad vitam ingredi volenti edixit: nā vt ait
ei David, *Tu mandasti mandata tua cu-
stodiri nimis, & ipse Christus, Si vis ad
vitam ingredi serua mandata: non enim,*
vt inquit Apostolus, *auditores legis iu-
sti sunt apud Deum, sed factores iustifican-
buntur.* Annitatur itaq; promissa im-
plere, & mandata Domini nostri Iesu
Christi seruare; Cum autem Mundus,
Caro, & Diabolus nos impediunt, cū
animo nostro animosè deliberemus,
& statuamus Diabolo fortiter resiste-
re,

Psal. 118.

Matt. 19.

Rom. 2.

re, mundum cautè fugere, carnis affectus gloriosè debellare. Hos autem appetitus S. Ioannes concupiscèntiam carnis, concupiscèntiam oculorum, & superbiam vitæ appellat: Qui à Doctoribus in septem vitia capitalia (i- Septem ta appellata quod sint quasi radix & peccata ca- fons aliorum) distribuuntur. Nomi- pitalia. nantur autem Superbia, Auaritia, Luxuria, Gula, Inuidia, Ira, Acedia, contra quæ tanquam antesignanos & primipilos prima nobis arma sumenda sunt: His enim deuictis facile Diabolum, mundumque triumphabimus.

Inter præcipuos autè modos, quibus bellum his vitijs inferendum est, omnes collocant, exercitium oppositarum virtutum, vti de ijs agentes diximus, vti enim calor frigus, ita virtus vitium pellit, hominemque suorum affectuum, & sui ipsius maximum victorem constituit. Qui bella aduersus alios gerunt, gloriosum admodum putant esse ciuitatem aliquam cepisse, eiusque incolas suo iugo subiecisse: Et quantula tamen hæc gloria est cum frequenter expugnata ciuitate, &

ciuibus in tuam potestatem redactis
 ipse à tuis affectibus turpissimè vi-
 caris, & passionibus seruias? Qui es-
 sum alijs dominatur & proprijs app-
 titibus seruit, cachinnū poti⁹ quā ho-
 norē meretur. Ideoque ait Sapiens.
*Post concupiscentias tuas non eas, & a
 volūtate tua auertere: Si praestes animam
 tua concupiscentias eius faciet te in g-
 diū inimicis tuis, quasi dicat, concupi-
 centijs suis deseruiens, eas ineptias
 perpetrabit, quæ tui osoribus occasi-
 onem te deridendi præbebunt. Et quis
 non rideat hominem, qui cum bestia-
 rū Dominus sit, iisdem seruiat? Inor-
 dinatæ aut passionibus bestię sunt, & qui
 eis obedit amisso Dominio, ex Domi-
 no seruus efficitur: Qui autem eas do-
 mant, & spiritui subiiciunt, conserva-
 ta quæ eis debetur autoritate, heroi-
 cos actus, sibiq; vtilissimos præstant.*
 Et ratio est, nam refrænatis passio-
 nibus, & concupiscentijs, maximam
 multitudinem peccatorum in quæ il-
 le inclinant euitamus, & per cōsequēs
 æternā mortē quæ ea sequitur, effugi-
 mus. *Vnusquisque, inquit Iacobus, ten-
 tatur à concupiscentia sua abstractus &
 illectus;*

Ecole. 13.

*Inc. dina-
 te passio-
 nes bestia-
 rum.*

Iacob. 1.

illectus: deinde concupiscentia cū cōceperit parit peccatū peccatum verò cū cōsummatum fuerit generat mortem, mortem scilicet secundam, quæ est æterna dānatio, & cuius Ioannes in Apocalypsi *Apos. 20.*
meminit. Nā vt Apostolus ait. Si secundum carnem vixeritis moriemini: si autē spiritu facta carnis mortificaueritis uiuetis; vita scilicet gratiæ: Imò qui se ita mortificauerit, facile se ab omnib⁹ mundi irritamentis, & tentationibus Sathanae expediet: Nam vt ait Paulus, *Spiritu ambulate, & desideria carnis non perficietis: & postea, Qui autem Christi sunt carnem suam crucifixerunt cum vitijs, & concupiscentijs suis; deoq̄ue de seipso dicit. Mundus mihi crucifixus est & ego mundo quasi dicat, Sicut ego mundū horreo & auer forsita etiā mūdus me fugit & abominatur; Nā videmus, quod homines carni ac voluptatibus dediti, cum aduertāt probos ac benè moratos, suas ineptias aspernari, se ab ijs occulunt, multò minus ad similia peccata inuitāt: Qui ergo passionem suam deuicerit mūdi illecebras facile contemnet.*

Quod autem Diabolū concernit, ligatus

• O s

gatus

gatus ille est, nec quenquam nisi accedentem, & lædi volentem, lædere potest, nisi enim domestici nostri inimici, qui sunt prauæ concupiscentiæ, contra nos cum eo conspirauerint, vis nulla est, & omnes eius impetus enidi sunt. Quanta ergo fælicitas, quæ tæue gloria erit, passiões suas deuictæ, inordinatos affectus benè ordinatæ, ostium peccato ac morti occlusit, mundum & diabolum in fugam egit, se? Sane hæc gloria maior erit quam vniuersum orbem, terras & maria omnia tuo imperio subiecisses.

Ex hac autem victoria tantum gaudium consequitur, vt vix dicendo exprimi possit. Docet Augustinus ideo bellageri, vt deuictis hostibus pace gaudeamus, qua nihil gratius, nihil delectabilius est: Qui enim pace in hoc mundo fruitur æternam illam beatorum in coelis felicitatem inchoauit, qui autem assiduè animo conturbatur: infelicitatem & tristitiam datorum experitur. Mundani omnes, & notater hæretici & infideles ad posteriorem ordinem referuntur, licet eorum multi id non sentiant, nec ita de se iudicent.

August. l.
de ciui.
6.12.

Vide Aug.
c. 19. De
ciui. 6.27.

Quid

Quid ergo bonis Christianis faciendum incumbit? Nihil aliud sanè, quam vt constanti animo in acie persistent, nec prælio ignavi excedant: Si autem aliquando difficultatem experiantur, ea pene nulla est, aut modica & facilè toleratur: Præiuit enim Saluator noster, viæ asperitatem leniuit, hostium violentiam ipse perripit: Ita enim in bonum, solatiumque suorum seruorum Deus omnia disposuit, vt in peregrinatione huius vitæ conflictus sint, Nam vt inquit Venerabilis Beda, *Dei ineffabilis & immensa bonitas etiam hoc prouidit, vt in hac breui & exigua vita agones essent & labores in illa verò quæ æterna est, corona & premia meritorum.*

Delicatuli autem illi & bonis mûdi huius affluentes, inebrient se sensuum delitijs, ad summum vsque expleantur, summis honoribus & diuitijs ad nauseam vsque gaudent. O miseros! breui se his omnibus destitutos inuenient; delectationes illæ momentaneæ sunt, tormenta verò æternum durabunt: Qui carni, mundo, & diabolo serui-

Beda Ser.
18. de Sact.

Psal. 118.

seruierunt cū suo duce ad inferna de-
 mergētur; illi verò qui aduersus eadē
 insurrexerūt, cū suo capite Iesu Chri-
 sto ad coelum euolabunt. Regius Pro-
 pheta David huius, & illius testimo-
 nium dat cum ait, *Beati immaculati in*
via, qui ambulant in lege Domini; &
Maledicti, qui declinant à mandatis tuis.
 Posterius dictum terrorem nobis in-
 cutit, vt vel sic saltem ad mandata
 Dei custodienda nos impellat: melius
 tamen, & nobis vtilius esset, si filialis
 amor nos huc ageret; Filij sumus non
 serui; boni autem filij patribus amo-
 re illecti, non timore adacti obediūt:
 Amor insuper onus nostrum subleuat,
 & vt cum quadam iucunditate perfe-
 ramus facit. *Si quis diligit me,* inquit
 Dominus, *mandata mea seruabit,* &
 Propheta, *Viam mandatorum tuorum*
cucurri, cum dilatasti cor meum; hanc e-
 nim cordis dilatationem charitas, &
 dilectio operantur: Hanc igitur Deū
 rogare oportet; obtentam autem ob-
 seruatione mandatorum ostendere
 decet, nam vt inquit Gregorius,
Dilectio actione com-
probatur.

Ioan. 14.

Psal. 118.

Gregor. ho.
30. in E-
uang.